

Богородичны

- воскресны на осмь гласов всего лета
- осми гласов, поемья, егда есть **СЛАВА:** святому в минен, **И НЫНЄ:** по гласу сия
- отпустительныя, по тропарех святых, поемья во все лето, в вечерню же, и на **БОГ ГОСПОДЬ:** на утрени и паки в конец утрени

Богородичны воскресны на осмь гласов всего лета

ГЛАС 1

Богородичен Догматик:

Всемірную славу / от человек прозѣбшую / и Владыку
рождшую, / Небѣсную дверь / воспойм, Марию Дѣву, / Безплотных
песнь и верных удобрение: / Сия бо явися небо и храм Божества; /
Сия преграждение вражды разрушивши, / мир введе и Царствие
отверзе. / Сию убо имуще веры утверждение, / Поборника мамы из
Нея рождшагося Господа. / Дерзайте убо, дерзайте, людие Божии, /
ибо Той победит враги, / яко Всесилен.

На стиховне Богородичен:

Се исполнися Исаиино проречение: / Дѣва бо родила еси / и по
рождествѣ, яко прежде рождества, пребыла еси, / Бог бо бе
Рождѣйся, темже и естества новопресече. / Но, о Богомати, /
моления Твоих рабов, / в Твоем храме приносима Тебѣ, не презри, /
но яко Благоутробнаго Твоима рукама носящи, / на Твоя рабы
умилосердися / и моли спастися душам нашим.

Богородичен отпустительный:

Гавриилу вещавшу Тебѣ, Дѣво, радуйся, / со гласом
воплощашеся всех Владыка, / в Тебѣ, святем кивоте, / якоже рече
праведный Давид; / явилася еси ширшая Небес, / поносивши
Зиждителя Твоего. / Слава Всельшемуся в Тя, / слава Прошедшему из
Тебѣ, / слава Свободившему нас Рождеством Твоим.

ГЛАС 2

Богородичен Догматик:

Прейде сень законная, / благодати пришедши: / якоже бо
купина не сгараше опаляема, / тако Дѣва родила еси / и Дѣва
пребыла еси. / Вместо столпа огненнаго / праведное возсия Солнце,
/ вместо Моисея, / Христос, спасение душ наших.

На стиховне Богородичен:

О чудесé нóваго всех дрéвних чудéс! / Кто бо познá Мáтерь, без мýжа рóждшую / и на рукý носящую всю тварь Содержáщего; / Бóжие есть изволéние Рóждшееся. / Егóже я́ко Младéнца Пречíстая, / Тво́йма рукáма носíвшая, / и мáтернее дерзновéние к Немý имúщая, / не престáй моля́щи о чтúщих Тя, / ущéдрити и спасти́ дýши нáша.

Богородичен отпустительный:

Вся, пáче смýсла, / вся преслáвная Тво́я, Богорóдице, тáинства, / чистотé запечáтанной и дéвству хранíму, / Мáти познáлася есí нелóжна, / Бóга рóждши Ё́стиннаго; / Тогó моли́ спастíся душáм нáшим.

ГЛАС 3

Богородичен Догматик:

Кáко не дивíмся / Богомýжному Рождествý Твоёмý, Пречестнáя, / искушéния бо мýжескаго не приёмши, Всенепорóчная, / родилá бо есí без отцá Сýна плóтию, / прéжде век от Отцá рождéннаго без мáтере, / никáкоже претерпéвшаго изменéния, или́ смешéния, или́ разделéния, / но обою́ существý свóйство цéло сохрáншаго. / Тёмже, Мáти Дéво Влады́чице, / Тогó моли́ спастíся душáм, / правослáвно Богорóдицу исповéдающих Тя.

На стиховне Богородичен:

Без сéмене от Божéственного Дýха, / во́лею же Отчею зачалá есí Сýна Бóжия, / от Отцá без мáтере прéжде век сýща, / нас же рáди, из Тебé без отцá бýвша, плóтию родилá есí, / и Младéнца млекóм питáла есí. / Тёмже не престáй моли́ти, / избáвитися от бед душáм нáшим.

Богородичен отпустительный:

Тя, ходáтайствовавшую спасéние рóда нáшего, / воспевáем, Богорóдице Дéво: / плóтию бо, от Тебé восприя́тою, Сын Твой и Бог наш, / Крестóм воспри́им страсть, / избáви нас от тли́ я́ко Человеколю́бец.

ГЛАС 4

Богородичен Догматик:

Иже Тебѣ ради богоотец пророк Давид / пѣсенно о Тебѣ провозгласи, / величия Тебѣ Сотворшему, / предста Царица одесную Тебѣ, / Тя бо Матерь, Ходатаицу Живота показá, / без отца из Тебѣ вочеловѣчится благоволивый Бог, / да Свой паки обновит образ, истлѣвший страстьми, / и заблуждшее горохищное обрет овчá, / на рамо восприим, ко Отцу принесет / и Своему хотению / с Небесными совокупит Силами, / и спасет, Богородице, мир / Христос, имеяй велию и богатую милость.

На стиховне Богородичен:

Призри на моления Твоих раб, Всенепорочная, / утоляющи люта́я на ны востания, / всякия скорби нас изменяющи. / Тя бо, Еди́ну, твердое и известное утверждение има́мы, / и Твое предстательство стяжáхом. / Да не постыдимся, Владычице, Ты призыва́ющи, / потщися на умоление Тебѣ верно вопиющих: / радуйся, Владычице, / всех по́моще, радости и покрóве, / и спасение душ на́ших.

Богородичен отпустительный:

Еже от века утаеное / и Ангелом несведомое таинство, / Тобóю, Богородице, сущим на земли явися Бог, / в неслитном соединении воплощáем / и, Крест волею нас ради восприим, / имже воскресив первозданнаго, / спасе от смерти души наша.

ГЛАС 5

Богородичен Догматик:

В Чермнѣм мóри, / Неискусобрачныя Невѣсты образ написáся иногдá: / тамо Моисей, разделитель воды, / zde же Гавриил, служитель чудесé. / Тогда́ глубину шествова немóкрено Израиль; / ныне же Христа́ роди́ безсе́менно Дѣва. / Мóре по прошествии Израилеве пребы́сть непроходно; / Непорóчная по рождествѣ Эммануилеве пребы́сть нетлѣнна. / Сый и прѣжде Сый, / явлѣйся яко Человѣк, / Бóже, помилуй нас.

На стиховне Богородичен:

Храм и дверь еси, / палата и престол Царев, / Дево Всечестная, /
Еюже Избавитель мой, Христос Господь, / во тьме спящим явися, /
Солнце сый правды, просветити хотя, / яже созда по образу Своему
рукою Своею. / Темже, Всепетая, / яко матерне дерзновение к Немю
стяжавшая, / непрестанно моли спастися душам нашим.

Богородичен отпустительный:

Радуйся, двере Господня непроходима; / радуйся, стено и
покрове притекающих к Тебе; / радуйся, необуреваемое пристанище
и Неискусобрачная, / рождающая плотию Творца Твоего и Бога, /
молящи не оскудевай о воспевающих / и кланяющихся Рождеству
Твоему.

ГЛАС 6

Богородичен Догматик:

Кто Тебе не ублажит, Пресвятая Дево; / кто ли не воспоет Твоего
Пречистаго Рождества; / безлетно бо от Отца возсиявый Сын
Единородный, / Тойже от Тебе, Чистая, пройде, / неизреченно
воплотися, / естеством Бог Сый, / и естеством быв Человек нас ради;
/ не во двою лицу разделяемый, / но во двою естеству / неслитно
познаваемый. / Того моли, Чистая Всеблаженная, / помилватися
душам нашим.

На стиховне Богородичен:

Творец и Избавитель мой, Пречистая, / Христос Господь, из
Твоих ложесн прошед, / в мя оболкийся, первая клятвы Адама
свободи. / Темже Ти, Всечистая, / яко Божии Матери же и Дево, /
воистинну вопием немолчно: / радуйся, Ангельски, радуйся,
Владычице, / предстательство и покрове, / и спасение душ наших.

Богородичен отпустительный:

Благословенную нареки Твою Матерь, / пришел еси на страсть
вольным хотением, / возсияв на Кресте, взыскати хотя Адама, /
глаголя Ангелом: / срадуйтесь Мне, яко обретется погибшая драхма. /
Вся мудре устроивый, / Боже наш, слава Тебе.

ГЛАС 7

Богородичен Догматик:

Мáти ўбо позналася еси́, / пáче естества́, Богорóдице, / пребыла́ же еси́ Дéва, / пáче слóва и рáзума, / и чудесé Рождества́ Твоего́ сказа́ти язы́к не мо́жет. / Пресла́вну бо сýщу зача́тию, Чíстая, / непостíжен есть о́браз рождéния: / идéже бо хóщет Бог, побежда́ется естества́ чин. / Тémже, Тя вси Мáтерь Бóжию вéдуще, / мо́лим Ти ся прилéжно, / моли́ спастíся душáм нáшим.

На стиховне Богородичен:

Под кров Твой, Влады́чице, / вси земнорóднии прибега́юще, вопи́ем Ти: / Богорóдице, упováние нáше, / избáви ны от безмéрных прегрешéний, / и спаси́ дýши нáша.

Богородичен отпустительный:

Я́ко нáшего воскресéния сокрóвище, / на Тя надéющися, Всепéтая, / от рóва и глубины́ прегрешéний возведи́; / Ты бо повíнныя греху́ спасла́ еси́, / рóждшая Спасéние нáше. / Я́же прéжде рождества́ Дéва, и в рождествé Дéва, / и по рождествé па́ки пребывáеши Дéва.

ГЛАС 8

Богородичен Догматик:

Царь Небéсный за человеколю́бие на земли́ явíся, / и с челове́ки поживé, / от Дéвы бо Чíстыя плоть приéмый / и из Нея́ прошéдый с восприя́тием. / Едíн есть Сын, сугуб естество́м, / но не Ипостáсию. / Тémже совершéнна Того́ Бóга / и Челове́ка воíстину проповéдающе, / исповéдуем Христа́ Бóга нáшего: / Егóже моли́, Мáти Безневéстная, / помíловатися душáм нáшим.

На стиховне Богородичен:

Безневéстная Дéво, / я́же Бóга неизречéнно зачéнши плóтию, / Мáти Бóга Вы́шняго, / Твои́х рабóв мольбы́ приими́, Всенепорóчная, / всем подаю́щи очищéние прегрешéний, / ны́не нáша молéния приéмлющи, / моли́ спастíся всем нам.

Богородичен отпустительный:

Иже нас ради рождѣйся от Дѣвы / и, распятие претерпѣв,
Благій, / испровергий смѣртию смерть / и Воскресѣние явлѣй яко
Бог, / не презри, яже создѣл еси рукою Твоею; / яви человеколѣбие
Твое, Милостиве. / Приими рѣждшую Тя, Богородицу, молящуюся за
ны, / и спаси, Спасе наш, люди отчаянныя.

Богородичны осми гласов, поемья, егда есть СЛАВА: святому в минеи, И НЫНЕ: по гласу сия

ГЛАС 1

В неделю вечера Богородичен:

Небесных чинѡв радѡвание, / на земли челоуѡков крѣпкое
предстательство, / Пречистая Дѡво, / спаси ны, иже к Тебѡ
прибегающия, / яко на Тя упѡвание по Бѡзе, Богорѡдице,
возложихом.

В понедельник на утрени Богородичен:

Святѡйшая святых всех Сил, / честнѡйшая всея твари,
Богорѡдица, Владычица мира, / спаси ны, Спаса рѡждшая, / от
прегрешений тморичных и бед / яко Благая молитвами Твоими.

В понедельник вечера Богородичен:

Дѡво Всепѡтая, / юже в Тебѡ тайну Моисей прорѡческима виде
очима, / купину горящу и неопаляему, / Божества бо Огнь утробу
Твою, Чистая, не опали. / Темже молим Тя яко Матерь Бѡга нашего, /
мир испросити миру и велию милость.

Во вторник утра Богородичен:

Блудницу, и блуднаго аз, и разбойника победих, / и мытаря
прегрешении преминух, и ниневитяны. / Уви мне, что буду; / како
убегну муки, аз, окаянный? / Чистая, припадаю Ти, / ущедри мя
милостию Твоею, / якоже оныя Сын Твой спасл есть.

В среду вечера Богородичен:

Радуйся, радости прадедов, / апостолов и мучеников веселие / и
покров нас, Дѡво, Твоих рабов.

В четверток утра Богородичен:

Радуйся, Богорѡдице Дѡво, / радуйся, похвало всея вселенныя, /
радуйся, Пречистая Мати Бѡжия, Благословенная.

В пяток вечера Богородичен:

Воистинну паче умá/ чюдная Твоя величия, рождества Твоего, Богоневесто, / яже проповедаша пророцы вси, / вся преславная, / зачатие и рождество, Всепетая, недомысленно и несказанно, / имже мир спасл есть яко Милосерд.

В субботу утра Богородичен:

Радуйся, от нас Свята́я Богородице Де́во, / чистый сосуде всея вселенная, / свеще неугасимая, вместилище Невместимаго, / храме необоримый; / радуйся, из Неяже родися А́гнец Бо́жий, / вземляй грехи́ всего́ ми́ра.

ГЛАС 2

В неделю вечера Богородичен:

Радуйся, Мари́е Богородице, храме неразрушимый, / паче же святы́й, якоже вопиет пророк: / свят храм Твой, дивен в правде.

В понедельник утра Богородичен:

На Тя упование, Богородице, возложихом, / чаяния да не отпадём, / спаси нас от бед, Помощнице недоумеемым, / и сопротивных советы разори: / Ты бо еси́ наше спасение, / Благословенная.

В понедельник вечера Богородичен:

Непроходимая врата, тайно запечатствованная, / Благословенная Богородице Де́во, / прими́ моления́ наша / и принеси́ Твоему́ Сыну́ и Бо́гу, / да спасет Тобо́ю ду́ши наша.

Во вторник утра Богородичен:

Радуйся, Мари́е Богородице, храме неразрушимый, / паче же святы́й, якоже вопиет пророк: / свят храм Твой, дивен в правде.

В среду вечера Богородичен:

Яко плодови́та ма́слина, / Де́ва израсти́ Тебе́, / Плода́ Животнаго, / плодоноси́ти ми́рови / ве́лию и богáтую ми́лость.

В четверток утра Богородичен:

Все упование моё / на Тя возлагаю, Мати Божия, / сохрани мя под кровом Твоим.

В пяток вечера Богородичен:

Спаси от бед рабы Твоя, Богородице Деве, / яко вси по Бозе к Тебе прибегаем, / яко к нерушимей стене и предстательству.

В субботу утра Богородичен:

Приидите, Матерь Света, песнями немолчными зовуще, / вси прославим, / Та бо роди Спасение наше, / и радуйся принесем, яко Единой, рождающей всех Начальнейшаго, / Иже прежде век Бога; / радуйся, Яже Еву падшую паки наздавшая; / радуйся, Пречистая Деве, Неискусобрачная.

ГЛАС 3

В неделю вечера Богородичен:

Богородице, Предстательнице всех, молящихся Тебе, / Тобою держаем и хвалимся, / и к Тебе все упование наше есть, / моли Родшагося из Тебе за непотребных рабы Твоя.

В понедельник утра Богородичен:

Святопервочистая похвало сущи Небесных чинов, / апостолов пение / и пророков сбытие, / Владычице, прими молитвы наша.

В понедельник вечера Богородичен:

В женах Святая, Богородице, / Мати Безневестная, / моли, Егоже родила еси, Царя и Бога, / да спасет нас, яко Человеколюбец.

Во вторник утра Богородичен:

Без семени зачала еси / от Духа Святого, / и, славословяще, воспеваем Тя: / радуйся, Пресвятая Деве.

В среду вечера Богородичен:

Вельми согрешающая мя, Отроковице, / исхити великою Твоею молитвою пламене нуждаго / и исправи, Чистая, Твоими мольбами,

/ ко спасённым стезям наставляющи мя / матерними Твоими молитвами.

В четверток утра Богородичен:

Без семене зачала еси / от Духа Святаго, / и, славословяще, воспеваем Тя: / радуйся, Пресвятая Дево.

В пяток вечера Богородичен:

В женах Святая, Богородице, / Мати Безневестная, / моли, Егже родила еси, Царя и Бога, / да спасет нас, яко Человеколюбец.

В субботу утра Богородичен:

Без семене зачала еси / от Духа Святаго, / и, славословяще, воспеваем Тя: / радуйся, Пресвятая Дево.

ГЛАС 4

В неделю вечера Богородичен:

Радуйся, Света облаче; / радуйся, свещнице светлый; / радуйся, ручко, в нейже манны; / радуйся, жезле Ааронов; / радуйся, купино неопалимая; / радуйся, чертоже; радуйся, престоле; / радуйся, горю святая; / радуйся, прибежище; / радуйся, Божественная трапезо; / радуйся, двере тайная; / радуйся, всех радости.

В понедельник утра Богородичен:

Богородице, всех Царице, / православных похвало, / еретичествующих шатания разори / и лица их посрами, / не кланяющихся, ниже чтущих, Пречистая, / честный Твой образ.

В понедельник вечера Богородичен:

Избави нас от нужд наших, / Мати Христа Бога, / рождающая всех Творца, / да вси зовем Ти: / радуйся, единое предстательство душ наших.

Во вторник утра Богородичен:

От всех бед рабы Твоя сохраняй, / Благословенная Богородице, / да Тя славим, надежду душ наших.

В среду вечера Богородичен:

Имѹще Тя, Богорѹдице, упованіе и предстательство, / вражиих навѣт не убоймся, / яко спасаеши дѹши наша.

В четверток утра Богородичен:

Тя, стѣну стяжѹхом, Богорѹдице Пречістая, / и благоутішное пристѹнище, и утверждѣніе. / Тѣмже молюся, / ѳже в житій обуреваем: / окорми и спаси мя.

В пяток вечера Богородичен:

Свещѣ неугасімая, престѹле праведный, / Пречістая Владычице, / моли спастися душѹм нашим.

В субботу утра Богородичен:

Едина Чістая и Пречістая Дѣво, / Яже Бѹга безсѣменно рѹждшая, / моли спастися душѹм нашим.

ГЛАС 5

В неделю вечера Богородичен:

Страшно, и преслѹвно, и вѣлие таинство: / Невместимый во чреве вместися / и Мѹти по рождествѣ паки пребысть Дѣва, / Бѹга бо роди, из Неѹ воплощенна. / Тому возопийм, Тому песнь рцем, / со Ангелы воспевающе: / Свят еси, Христѣ Бѹже, / гже нас ради вочеловѣчивыйся, слава Тебѣ.

В понедельник утра Богородичен:

Обрадованная, ходатайствуй Твоими молитвами / и испроси душѹм нашим множество щедрѹт / и очищеніе многих прегрешеній, молимся.

В понедельник вечера Богородичен:

Утоли болѣзни / многовоздыхающія души моеѹ, / утолившая всяку слѣзу от лица земли: / Ты бо челоуѣков болѣзни отгониши / и грѣшных скорби разрушаеши. / Тебѣ бо вси стяжѹхом надежду и утверждѣніе, / Пресвятѹя Мѹти Дѣво.

Во вторник утра Богородичен:

Обра́дованная, ходатайствуй Тво́ими моли́твами / и испроси́ душáм нáшим мнóжество щедрóт / и очищ́ение мнóгих прегреш́ений, мо́лимся.

В среду вечера Богородичен:

Блаж́им Тя, Богорóдице Дéво, / и сла́вим Тя, вёрнии, по дóлгу, / град непоколеб́имый, стéну необор́имую, / твёрдую Предстáтельница / и прибéжище душ нáших.

В четверток утра Богородичен:

Блаж́им Тя, Богорóдице Дéво, / я́ко из Тебé возсия́ Сóлнце правды, Христóс, / имéяй вéлию м́лость.

В пяток вечера Богородичен:

Тебé мо́лимся, я́ко Бóжи Мáтери: / Благословéнная, моли́ / о спасéнии душ нáших.

В субботу утра Богородичен:

О́ле ока́нная душé! / Кий отвéт имаши рещи́ Судий во он час, / егда́ престóли поста́вятся на Судé / и Судия́ при́дет от Небés, / сошéd со тьма́ми а́нгельскими? / Егда́ сядет на Суди́щи, / прю сотвори́ти с рабы́ непотр́бными, подóбными мне, / что отвещáти имаши? / Что же принест́и тогдá? / По́истинне ничтóже, ум и тéло оскверни́вши твоé. / Тёмже припад́и к Дéве и зови́ непрестáнно / подáти тебé богáтно грехóв прощ́ение.

ГЛАС 6

В неделю вечера Богородичен:

Архáнгельски воспóйм, вёрнии, / Небésный чертóг и дверь запечáтанну вой́стину: / ра́дуйся, Ея́же ра́ди отрасте́ нам Спас всех, Христóс, / Жизнодáвец и Бог. / Низлож́и, Влады́чице, мучи́тели, / безбóжныя враги́ нáша, / руко́ю Твоéю, Пречи́стая, / упováние христиáн.

В понедельник утра Богородичен:

Архангельское слово прияла еси, / и херувимский престол
показалась еси, / и на объятиях Твоих носила еси, Богородице, /
Надежду душ наших.

В понедельник вечера Богородичен:

Никтоже, притекаяй к Тебе / посрамлен от Тебе исходит, /
Пречистая Богородице Дево, / но просит благодати / и приемлет
дарование к полезному прошению.

Во вторник утра Богородичен:

Великих дарований, Чистая Дево Богомати, / Ты сподобилась
еси, / яко родила еси плотию Единого от Троицы, Христа
Жизнодавца, / во спасение душ наших.

В среду вечера Богородичен:

Око сердца моего / воспушаю к Тебе, Владычице: / не презри
малога моего воздыхания / в час, егда судит Сын Твой миру, / буди
ми покров и Помощница.

В четверток утра Богородичен:

Преложение скорбящих, / пременение болящих еси,
Богородице Всепетая, / спаси град и люди, / боримых умирение,
обуреваемых тишина, / едина Предстательнице верных.

В пяток вечера Богородичен:

Молитвами Родшия Тя, Христе, / мученик Твоих, и апостол, и
пророк, и святителей, / преподобных, и праведных, и всех святых, /
усопшия рабы Твоя упокой.

В субботу утра Богородичен:

Бога, из Тебе воплотившагося, / разумехом, Богородице Дево: /
Того моли о спасении душ наших.

ГЛАС 7

В неделю вечера Богородичен:

Ёже радуйся, Тебё зовём со Ангелом, Богоневёсто, / чертог, и дверь, и престол огненный нарицающе Тебё, / и несекóмую гóру, и купинú неопалíмую.

В понедельник утра Богородичен:

Умири моли́твами Богорóдицы жизнь на́шу, / вопи́ющих Ти: / Милостиве Гóсподи, сла́ва Тебё.

В понедельник вечера Богородичен:

Ра́дуйся, Со́лнца óблаче мýсленнаго и неизрече́ннаго, Влады́чице; / раду́йся, всесвётлая свещё; / раду́йся, свещниче всезлатый. / Тобóю, Пресвятáя, Ёва избáвися от клятвы. / Но, я́ко имúщи дерзнове́ние / ко Благопреме́нному Сы́ну Твоемú и Бóгу, / ма́тернею Твоею моли́твою / не оскуде́й моли́тися, Пречи́стая.

Во вторник утра Богородичен:

Цвет, Христё, прозя́бл еси́ от Дёвы / и просвети́л еси́ род челове́ческий. / Гóсподи, сла́ва Тебё.

В среду вечера Богородичен:

Еди́ну по рождестве́ Пречи́стую Дёву воспо́йм, / я́ко Ма́терь Бóга Сло́ва, / глаго́люще: сла́ва Тебё.

В четверток утра Богородичен:

Роди́лся еси́ от Дёвы несказáнно, Христё, / и просвети́л еси́ сýщия во тьме, вопи́ущия: / Гóсподи, сла́ва Тебё.

В пяток вечера Богородичен:

Я́же еди́на Невместíмага при́мши / и ро́ждши Бóга Сло́ва воплощённа, / моли́ спаст́ися душáм на́шим.

В субботу утра Богородичен:

Моли́, Дёво, / со апóстолы и мýченики / обрест́и на Судё престáвльшимся / ве́лию мило́сть.

ГЛАС 8

В неделю вечера Богородичен:

Архангела Гавриила глас восприимше, рцем: / радуйся, Мати Божия, / Яже Жизнодавца Христа миру рождши.

В понедельник утра Богородичен:

Небесная поют Тя, / Обрадованная, Мати Безневестная, / и мы славословим неизследованное Твое Рождество, Богородице, / моли спастися душам нашим.

В понедельник вечера Богородичен:

Радуйся, вселенная похвало; / радуйся, храме Господень; / радуйся, горю приосененная; / радуйся, всех прибежище; / радуйся, свещнице златый; / радуйся, славо православных честная; / радуйся, Марие, Мати Христа Бога; / радуйся, раю; радуйся, Божественная трапезо; / радуйся, сене; радуйся, ручко всезлатая; / радуйся, всех упование.

Во вторник утра Богородичен:

Кров Твой, Богородице Дево, / врачевство есть духовное: / в онь бо прибегающе, / от душевных недугов избавляемся.

В среду вечера Богородичен:

Аз, Дево Святая Богородице, / к покрову Твоему прибегаю, / вем, яко обрящу Тобою спасение, / можеш бо, Чистая, помощи мне.

В четверток утра Богородичен:

Исхити мя, Владычице, / руки змия человекоубийцы, / хотяща мя лукавством поглотити до конца; / сокруши челюсти его, молю Тя, / и козни разори, / яко да избыв от ногтей его, / величаю заступление Твое.

В пяток вечера Богородичен:

Чистая Дево, / Слова врата, Бога нашего Мати, / моли спастися нам.

В субботу утра Богородичен:

Владычице, прими́ моли́твы раб Твои́х / и избáви нас / от
всякия нúжды и печáли.

**Богородичны отпустительныя,
по тропарех святых, поемыя во все лето,
в вечерню же, и на БОГ ГОСПОДЬ:
на утрени и паки в конец утрени**

ГЛАС 1

В неделю вечера и в понедельник на Бог Господь:

Чудо чудес, Благодатная, в Тебе зрящи, / тварь радуется, /
зачала бо еси безсеменно / и родила еси неизреченно / Егоже
чиноначалия Ангелов видети не могут, / Того моли о душах наших.

В конец утрени:

Пречистая Богородице, / на Небесех благословенная и на земли
славословимая, / радуйся, Невесто Невестная.

В понедельник вечера и во вторник на Бог Господь:

Заченшая неопально Огнь Божественный / и рождающая
безсеменно Источника жизни, Господа, / Благодатная Богородице, /
спасай Тя величающая.

В конец утрени:

Безматерняго на Небеси, паче мысли и слуха, / на земли без
отца родила еси; / Того, Богородице, / моли о душах наших.

Во вторник вечера и в среду на Бог Господь:

Твое предстательство имуще, Пречистая, / и Твоими молитвами
лютых избавляеми, / Крестом Сына Твоего везде соблюдаеми, / по
долгу Ты вси благочестно величаем.

В конец утрени:

Пречистая Богородице, / на Небесех благословенная и на земли
славословимая, / радуйся, Невесто Невестная.

В среду вечера и в четверток на Бог Господь:

Заченшая неопально Огнь Божественный / и рождающая
безсеменно Источника жизни, Господа, / Благодатная Богородице, /
спасай Тя величающая.

В конец утрени:

Безматерняго на Небеси, паче мысли и слуха, / на земли без
отца родила еси; / Того, Богородице, / моли о душах наших.

В четверток вечера и в пяток на Бог Господь:

Твое предстательство имущее, Пречистая, / и Твоими молитвами
лютых избавляеми, / Крестом Сына Твоего везде соблюдаеми, / по
долгу Тя вси благочестно величаем.

В конец утрени:

Пречистая Богородице, / на Небесех благословенная и на земли
славословимая, / радуйся, Невесто Невестная.

В пяток вечера и в субботу на Бог Господь:

Гавриилу вещавшу Тебе, Дево, радуйся, / со гласом
воплощавшаяся всех Владыка / в святом кивоте, / якоже рече
праведный Давид, / явилася еси ширшая Небес, / поносивши
Зиждителя Твоего: / слава Всельшемуся в Тя; / слава Прошедшему из
Тебе; / слава Свободившему нас Рождеством Твоим.

В конец утрени:

Безматерняго на Небеси, паче мысли и слуха, / на земли без
отца родила еси; / Того, Богородице, / моли о душах наших.

ГЛАС 2

В неделю вечера и в понедельник на Бог Господь:

Благоутробия сущи источник, / милости сподоби нас,
Богородице, / призри на люди согрешившия, / яви, яко присно, силу
Твою, / на Тя бо уповающе, / радуйся, вопиём Ти, / якоже иногда
Гавриил, безплотных Архистратиг.

В конец утрени:

Ма́ти Свята́я неизрече́ннаго Свѣта, / а́нгельскими Тя пѣсньми почита́юще, / благочѣстно велича́ем.

В понедельник вечера и во вторник на Бог Господь:

Божѣственнаго бѣхом о́бщницы естества́/ Тобо́ю, Богоро́дице Присноде́во, / Бо́га бо нам воплотѣвшагося родила́ еси́. / Тѣмже по до́лгу Тя вси благочѣстно велича́ем.

В конец утрени:

Тя велича́ем, Богоро́дице, вопи́юще: / ра́дуйся, незаходи́мага Свѣта о́блаче, / Того́ носѣвши в не́дрех Сла́вы Го́спода.

Во вторник вечера и в среду на Бог Господь:

Препросла́вленна еси́, Богоро́дице Де́во, поѣм Тя: / Кресто́м бо Сы́на Твоего́ низложи́ся ад / и смерть умертви́ся, / умерщвлѣннии, воста́хом и живота́ сподо́бихомся, / рай восприяхом, дрѣвнее наслажде́ние. / Тем, благодаря́ще, славосло́вим, / я́ко держа́внаго Христа́ Бо́га на́шего / и Еди́наго Многоми́лостиваго.

В конец утрени:

Тя велича́ем, Богоро́дице, вопи́юще: / ра́дуйся, жѣзле, / от него́же безсе́менно Бог прозябѣй / погуби́ на Дре́ве смерть.

В среду вечера и в четверток на Бог Господь:

Божѣственнаго бѣхом о́бщницы естества́ / Тобо́ю, Богоро́дице Присноде́во, / Бо́га бо нам воплотѣвшагося родила́ еси́. / Тѣмже по до́лгу Тя вси благочѣстно велича́ем.

В конец утрени:

Тя велича́ем, Богоро́дице, вопи́юще: / ра́дуйся, незаходи́мага Свѣта о́блаче, / Того́ носѣвши в не́дрех Сла́вы Го́спода.

В четверток вечера и в пяток на Бог Господь:

Препросла́вленна еси́, Богоро́дице Де́во, поѣм Тя: / Кресто́м бо Сы́на Твоего́ низложи́ся ад / и смерть умертви́ся, / умерщвлѣннии, воста́хом и живота́ сподо́бихомся, / рай восприяхом, дрѣвнее

наслаждѣние. / Тем, благодаряще, славослѣвим, / яко державнаго Христá Бѣга нáшего / и Едíнаго Многомíлостиваго.

В конец утрени:

Тя величаем, Богорѣдице, вопиюще: / радуйся, жезле, / от негоже безсеменно Бог прозябый / погуби на Древе смерть.

В пяток вечера и в субботу на Бог Господь:

Вся пáче смýсла, / вся преслáвная Твоá, Богорѣдице, таинства, / чистотѣ запечатанной и дѣвству храниму, / Мáти позналася еси нелѣжна, / Бѣга рѣдши Истиннаго. / Того моли спастися душáм нáшим.

В конец утрени:

Мáти Святáя неизреченнаго Свѣта, / ангельскими Тя пѣсньми почитающе, / благочестно величаем.

Аще прилучится Аллилу́я в коем-либо гласе, глаголются сия:

Апѣстоли, мýченицы и прорѣцы, / святителие, преподѣбнии и прáведнии, / дѣбре пѣдвиг совершившии и вѣру соблюдшии, / дерзновение имýще ко Спáсу, / о нас Того, яко Блáга, молите, / спастися, молимся, душáм нáшим.

Помяни, Гѣсподи, яко Благ, дýши раб Твоих / и, елика в житии согрешíша, прости: / никтоже бо безгрѣшен, тѣкмо Ты, / могый и престáвленным дáти покой.

Мáти Святáя неизреченнаго Свѣта, / ангельскими Тя пѣсньми почитающе, / благочестно величаем.

ГЛАС 3

В неделю вечера и в понедельник на Бог Господь:

Красотѣ дѣвства Твоего и пресвѣтлой чистотѣ Твоѣй / Гавриил удивíся, вопияше Ти, Богорѣдице: / кýю Ти похвалу принесу достѣйную? / Что же возыменýю Тя? / Недоумевáю и ужасáюся. / Тѣмже яко повелѣн бых, вопию Ти: / радуйся, Благодáтная.

В конец утрени:

Кійждо, идéже спаса́ется, / та́мо пра́ведно и притека́ет, / и ко́е ино́е таково́е прибéжище, / я́ко Ты, Богоро́дице, / покрыва́ющее ду́ши на́ша.

В понедельник вечера и во вторник на Бог Господь:

Прибéжище и си́ла на́ша, Богоро́дице, / держа́вная по́мощь ми́ра, / моли́твами Твои́ми покрый рабы́ Твоя́ / от вся́кия ну́жды, / еди́на Благословéнная.

В конец утрени:

Кійждо, идéже спаса́ется, / та́мо пра́ведно и притека́ет, / и ко́е ино́е таково́е прибéжище, / я́ко Ты, Богоро́дице, / покрыва́ющее ду́ши на́ша.

Во вторник вечера и в среду на Бог Господь:

Жезл си́лы стяжавшии, / Крест Сы́на Твоего́, Богоро́дице, / тем низлагáем враго́в шата́ния, / любо́вию Тя непреста́нно велича́юще.

В конец утрени:

Прибéжище и си́ла на́ша, Богоро́дице, / держа́вная по́мощь ми́ра, / моли́твами Твои́ми покрый рабы́ Твоя́ / от вся́кия ну́жды, / еди́на Благословéнная.

В среду вечера и в четверток на Бог Господь:

Проро́цы проповéдаша, / апо́столи научи́ша, / мученицы исповéдаша / и мы véровахом Богоро́дицу Тя вои́стину су́щую. / Тем и велича́ем Рожде́ство́Твое́ неизрече́нное.

В конец утрени:

Кійждо, идéже спаса́ется, / та́мо пра́ведно и притека́ет, / и ко́е ино́е таково́е прибéжище, / я́ко Ты, Богоро́дице, / покрыва́ющее ду́ши на́ша.

В четверток вечера и в пяток на Бог Господь:

Жезл си́лы стяжавшии, / Крест Сы́на Твоего́, Богоро́дице, / тем низлагáем враго́в шата́ния, / любо́вию Тя непреста́нно велича́юще.

В конец утрени:

Прибѣжище и сила наша, Богородице, / державная помощь мѣра, / молитвами Твоими покрѣй рабы Твоя / от всякия нѣжды, / еди́на Благословѣнная.

В пяток вечера и в субботу на Бог Господь:

Тя, ходатайствовавшую спасѣние рѣда нашего, / воспеваем, Богородице Дѣво: / плѣтию бо, от Тебѣ восприятоу, Сын Твой и Бог наш, / Крестом восприим Страсть, / избави нас от тли, яко Человеколюбец.

В конец утрени:

Пророцы проповѣдаша, / апѣстоли научиша, / мѣченицы исповѣдаша / и мы вѣровахом Богородицу Тя воистину сѣщую. / Тем и величаем Рождество Твое неизречѣнное.

ГЛАС 4

В неделю вечера и в понедельник на Бог Господь:

Воспитавшейся во храмѣ во святая святых, / одѣянной вѣроу и премѣдростию и безмѣрным дѣвством, / Архистратѣг Гавриѣл принесѣ с Небесѣ целованіе / и ѣже радуйся, радуйся, Благословѣнная, / радуйся, Препрославленная, Господь с Тобоу.

В конец утрени:

Яко всех еси творѣний Вѣшшая, / воспевати Тя достѣйно недоумѣвающе, Богородице, / тѣне, молим Тя, помѣлуй нас.

В понедельник вечера и во вторник на Бог Господь:

К Богородице прилѣжно ныне притецѣм, / грѣшнии и смиреннии, и припадѣм, / в покаянии зовѣще из глубины души: / Владычице, помози, на ны милосѣрдовавши, / потщися, погибаем от мнѣжества прегрѣшеній, / не отврати Твоя рабы тщи, / Тя бо и еди́ну Надѣжду ѣмамы.

В конец утрени:

Тя велича́ем, Богоро́дице, вопи́юще: / Ты еси́ купина́, в не́йже неопáльно Моисе́й ви́де, / я́ко пла́мень, Огнь Божества́.

Во вторник вечера и в среду на Бог Господь:

Де́во Пренепоро́чная, Ма́ти Христа́ Бо́га, / ору́жие прóйде Твою́ пресвяту́ю ду́шу, / егда́ распина́ема ви́дела еси́ во́лею Сы́на и Бо́га Твоего́, / Его́же, Благослове́нная, моля́щи не преста́й / прощэ́ние прегрешэ́ний нам дарова́ти.

В конец утрени:

Тя велича́ем, Богоро́дице, вопи́юще: / Ты еси́ гора́, от не́йже неизглаго́ланно отсече́ся Ка́мень / и врата́ а́дова сокруши́.

В среду вечера и в четверток на Бог Господь:

Сло́во О́тчее, Христа́ Бо́га на́шего, / от Тебе́ воплотившагося, позна́хом, Богоро́дице Де́во, / еди́на Чи́стая, / еди́на Благослове́нная. / Тем непреста́нно Тя, воспева́юще, велича́ем.

В конец утрени:

Я́ко всех еси́ творэ́ний Вы́шшая, / воспева́ти Тя досто́йно недоумева́юще, Богоро́дице, / ту́не, мо́лим Тя, поми́луй нас.

В четверток вечера и в пяток на Бог Господь:

Де́во Пренепоро́чная, Ма́ти Христа́ Бо́га, / ору́жие прóйде Твою́ пресвяту́ю ду́шу, / егда́ распина́ема ви́дела еси́ во́лею Сы́на и Бо́га Твоего́, / Его́же, Благослове́нная, моля́щи не преста́й / прощэ́ние прегрешэ́ний нам дарова́ти.

В конец утрени:

Тя велича́ем, Богоро́дице, вопи́юще: / Ты еси́ гора́, от не́йже неизглаго́ланно отсече́ся Ка́мень / и врата́ а́дова сокруши́.

В пяток вечера и в субботу на Бог Господь:

Е́же от ве́ка утае́нное / и А́нгелом несве́домое та́инство, / Тобо́ю, Богоро́дице, су́щим на земли́ яви́ся Бог, / в несли́тном

соединѣнии воплощѣем, / и, Крест волею нас ради восприѣм, / ѣмже воскресѣвъ первоздѣннаго, / спасѣ от смѣрти дѣуши наша.

В конец утрени:

Тя величѣем, Богородице, вопиюще: / Ты еси купина, в нейже неопально Моисей виде, / яко пламень, Огнь Божества.

ГЛАС 5

В неделю вечера и в понедельник на Бог Господь:

Со Ангелы Небесная, с человеки земная, / гласом радования, Богородице, вопиѣм Ти: / радуйся, врата, Небес ширшая; / радуйся, единая земнородных спасение; / радуйся, Чистая Благодатная, / рождающая Бога воплотившагося.

В конец утрени:

От Девы возсиявый миру, Христѣ Божѣ, / сыны Света Того показавый, помилуй нас.

В понедельник вечера и во вторник на Бог Господь:

Скорый Твой покров, и помощь, / и милость покажи на рабы Твоя, / и волны, Чистая, укроти светных помыслов, / и падшую мою душу возстави, Богородице: / вем бо, вем, Деве, / яко можеш, елика и хощеш.

В конец утрени:

Мати Божия Пресвятая, стено христиан, / избави люди Твоя обычно, зовущия Ти прилежно, / сопротивися срамным и гордым помыслом, да вопиѣм Ти: / радуйся, Приснодево.

Во вторник вечера и в среду на Бог Господь:

Крестом Сына Твоего, Богоблагодатная, / идольская прелесть вся упразднится / и демонская крепость попрася. / Сего ради, вернии, по долгу Тя присно поѣм и благословим / и, Богородицу воистинну исповѣдующе Тя, величѣем.

В конец утрени:

От Дѣвы возсіявый міру, Христѣ Бѣже, / сѣны Свѣта Тѣю показавый, помилуй нас.

В среду вечера и в четверток на Бог Господь:

Странное Дѣвы таинство міру показася спасительное: / от Нея бо родился еси без семени / и плотию показался еси без ислѣния, / всех радости, Господи, слава Тебѣ.

В конец утрени:

Мати Бѣжия Пресвятая, стено христіан, / избави люди Твоя обычно, зовущия Ти прилѣжно, / сопротивися срамным и гордым помыслом, да вопиѣм Ти: / радуйся, Приснодѣво.

В четверток вечера и в пяток на Бог Господь:

Крестом Сѣна Твоего, Богоблагодатная, / идольская прелесть вся упразднися / и дѣмонская крѣпость попрася. / Сего ради, вернии, по долгу Тя присно поѣм и благословим / и, Богородицу воистинну исповѣдующе Тя, величаем.

В конец утрени:

От Дѣвы возсіявый міру, Христѣ Бѣже, / сѣны Свѣта Тѣю показавый, помилуй нас.

В пяток вечера и в субботу на Бог Господь:

Радуйся, двере Господня непроходима; / радуйся, стено и покрове притекающих к Тебѣ; / радуйся, необуряемое пристанище и неискусобрачная, / рождающая плотию Творца Твоего и Бога, / молящи не оскудевай о воспевающих / и кланяющихся Рождеству Твоему.

В конец утрени:

От Дѣвы возсіявый міру, Христѣ Бѣже, / сѣны Свѣта Тѣю показавый, помилуй нас.

ГЛАС 6

В неделю вечера и в понедельник на Бог Господь:

Начало спасения / Гавриилово провещание к Деве бысть, / слыша бо, еже радуйся, и не убеже целования, / не усумнися, яко Сарра в сени, / но сиче глаголаше: / се раба Господня, / буди Мне по глаголу твоему.

В конец утрени:

Архангельское слово прияла еси, / и херувимский престол показала еси, / и на объятиих Твоих носила еси, Богородице, / Надежду душ наших.

В понедельник вечера и во вторник на Бог Господь:

Упование мира, / Благая Богородице Дево, / Твоёи единое державное предстательство просим: / умилосердися на безпредстательственные люди, / моли Милостиваго Бога / избавитися душам нашим от всякаго прещения, / едина Благословенная.

В конец утрени:

Никтоже, притекаяй к Тебе, / посрамлен от Тебе исходит, / Пречистая Богородице Дево, / но просит благодати / и приемлет дарование к полезному прошению.

Во вторник вечера и в среду на Бог Господь:

Богородице Дево, / моли Сына Твоего, / волею пригвоздившагося на Кресте / и мир от прелести свободившаго, / Христа Бога нашего, / помилovati души наша.

В конец утрени:

Прежде век от Отца без матери рождена, / Сына и Слова Божия, / в последняя лета родила еси, / воплотившагося от чистых кровей Твоих, Богородительнице, без мужа. / Егоже моли / дароватися нам грехов оставлению прежде конца.

В среду вечера и в четверток на Бог Господь:

Святая Владычице, / Чистая Бога нашего Мати, / всех Творца неизреченно рождающая, / моли со апостолы священными всегда благодать Его, / страстей нас избавити / и оставление нам дати грехов.

В конец утрени:

Великих дарований, / Чистая Дево Богомати, / Ты сподобилася еси, / яко родила еси плотию / Единаго от Троицы, Христа Жизнодавца, / во спасение душ наших.

В четверток вечера и в пяток на Бог Господь:

Богородице Дево, / моли Сына Твоего, / волю пригвоздившагося на Кресте / и мир от прелести свободившаго, / Христа Бога нашего, / помилovati души наша.

В конец утрени:

Прежде век от Отца без матери рождена, / Сына и Слова Божия, / в последняя лета родила еси, / воплотившагося от чистых кровей Твоих, Богородительнице, без мужа. / Егоже моли / дароватися нам грехов оставлению прежде конца.

В пяток вечера и в субботу на Бог Господь:

Предвествует Гедеон зачатие / и скажет Давид Рождество Твое, Богородице: / сниде бо, яко дождь на руну, / Слово во чрево Твое, / и прозябла еси без семени, земле святая, / мира Спасение, Христа Бога нашего, Благодатная.

В конец утрени:

Прежде век от Отца без матери рождена, / Сына и Слова Божия, / в последняя лета родила еси, / воплотившагося от чистых кровей Твоих, Богородительнице, без мужа. / Егоже моли / дароватися нам грехов оставлению прежде конца.

ГЛАС 7

В неделю вечера и в понедельник на Бог Господь:

Богородице Дѣво Несквѣрная, / Сына Твоего моли / с Горними Силами / прощѣнию прегрешѣний нам прѣжде конца дароватися, / вѣрно Тя славящим.

В конец утрени:

Превозшла еси Силы Небесныя, / зане храм показалася еси Божественный, / Благословенная Богородице, / яко рождшая Христа, / Спаса душ наших.

В понедельник вечера и во вторник на Бог Господь:

Радуйся, Тебе приводим, Богородице, / Ангелов бо вышшая показалася еси, / Бога рождшая.

В конец утрени:

Умири молитвами Богородицы жизнь нашу, / вопиющих Ти: / Милостиве Господи, слава Тебе.

Во вторник вечера и в среду на Бог Господь:

Распеншагося за ны Христа Бога / и разрушившаго смерти державу / непрестанно моли, Богородице Дѣво, / да спасет души наша.

В конец утрени:

Избави, Богородице, от содержащих нас грехов, / яко иного упования, вернии, не имамы, разве Тебе / и от Тебе рождшагося Бога.

В среду вечера и в четверток на Бог Господь:

Плод чрева Твоего, Пречистая, / пророков есть и закона исполнение. / Тем Тя, Богородицу, / в ведении славяще, / благочестно величаем.

В конец утрени:

Плод чрева Твоего, Богоневесто, / человеком показася спасения ходатайственный. / Тем Тя, Богородицу, / разумом и языком славяще, / вернии, величаем.

В четверток вечера и в пяток на Бог Господь:

Распёнашаго за ны Христа Бóга / и разрушившаго смёрти держáву / непрестáнно моли, Богородице Дéво, / да спасёт дýши нáша.

В конец утрени:

Избáви, Богородице, от содержащих нас грехóв, / я́ко инáго упováния, вёрнии, не íмамы, рáзве Тебé / и от Тебé рóждашаго Бóга.

В пяток вечера и в субботу на Бог Господь:

Я́ко нáшего воскресéния сокрóвище, / на Тя надéющаяся, Всепéтая, / от рóва и глубины прегрешéний возведи, / Ты бо повíнныя греху спасла еси, / рóждшая Спасéние нáше: / Я́же прéжде рождества́ Дéва, и в рождестве́ Дéва, / и по рождестве́ паки пребывáеши Дéва.

В конец утрени:

Рáдуйся, Невместíмага в Небесéх / вместившая во утрóбе Твоéй; / рáдуйся, Дéво, проро́ков проповéдание, / Ё́уже возсия́ Емману́ил; / рáдуйся, Мáти Христа́ Бóга.

ГЛАС 8

В неделю вечера и в понедельник на Бог Господь:

Рáдуйся, А́нгелом Рáдость мíра приёмшая; / рáдуйся, рóждшая Творца́ Твоего́ и Го́спода; / рáдуйся, сподóбльшаяся б́ити Мáти Бóжия.

В конец утрени:

Рáдуйся, врата́ Царя́ Сла́вы, / я́же Вы́шний Ед́ин прóйде / и Ед́ину запечáтану сохрани́ / во спасéние душ нáших.

В понедельник вечера и во вторник на Бог Господь:

Недв́ижимое утверждéние вéры / и честный дар душ нáших, / Богородицу пёсньми велича́ем, вёрнии: / рáдуйся, Ка́мень ж́изни во

чре́ве Твоём вмести́вшая; / ра́дуйся, конце́й наде́ждо, скорбя́щих
заступле́ние; / ра́дуйся, Невесто́ Неве́стная.

В конец утрени:

Де́во Пречи́стая, спаси́ ны моли́твами Твои́ми, / двíжущи утробу́
ма́тернюю, / Сы́ну Твоему́и Бо́гу на́шему.

Во вторник вечера и в среду на Бог Господь:

А́гнца, и Па́стыря, и Спа́са ми́ра на Кресте́ зря́щи, / Ро́ждшая Тя
глаго́лаше, слезя́щи: / мир у́бо ра́дуется, прие́мля избавле́ние, /
утроба́ же Моя́ горит, зря́щи Твое́ распя́тие, / е́же за всех терпи́ши,
Сы́не и Бо́же Мой.

В конец утрени:

Плод чре́ва Твоего́, Пречи́стая, / проро́ков есть и зако́на
исполне́ние. / Тем Тя, Богоро́дицу, в ве́дении сла́вяще, / благоче́стно
велича́ем.

В среду вечера и в четверток на Бог Господь:

Мы́сленная врата́ Жíзни, Пречи́стая Богоро́дице, / притека́ющия
к Тебе́ ве́рно изба́ви от бед: / да сла́вим пресвято́е Рожде́ствоТвое́во
спасе́ние душ на́ших.

В конец утрени:

Де́во Пречи́стая, спаси́ ны моли́твами Твои́ми, / двíжущи утробу́
ма́тернюю, / Сы́ну Твоему́ и Бо́гу на́шему.

В четверток вечера и в пяток на Бог Господь:

А́гнца, и Па́стыря, и Спа́са ми́ра на Кресте́ зря́щи, / Ро́ждшая Тя
глаго́лаше, слезя́щи: / мир у́бо ра́дуется, прие́мля избавле́ние, /
утроба́ же Моя́ горит, зря́щи Твое́ распя́тие, / е́же за всех терпи́ши,
Сы́не и Бо́же Мой.

В конец утрени:

Плод чре́ва Твоего́, Пречи́стая, / проро́ков есть и зако́на
исполне́ние. / Тем Тя, Богоро́дицу, в ве́дении сла́вяще, / благоче́стно
велича́ем.

В пяток вечера и в субботу на Бог Господь:

Иже нас ради рождёйся от Дёвы / и распятие претерпёв, Благий,
/ испровергий смёртию смерть / и Воскресёние явлёй, яко Бог, / не
прёзри, яже созда́л еси́ руко́ю Твоёю, / яви́ человеколю́бие Твоё,
Ми́лостиве, / приими́ ро́ждшую Тя Богоро́дицу, моля́щуюся за ны, / и
спаси́, Спа́се наш, лю́ди отча́янные.

В конец утрени:

Дёво Пречи́стая, спаси́ ны моли́твами Твои́ми, / двіжущи утрóбу
ма́тернюю, / Сы́ну Твоему́ и Бо́гу на́шему.

Примечания

Нет ни одного моления, которое не имело бы богородичных песней. Стихиры, тропари, седальны, каноны — все оканчиваются богородичными.

Богородичны помещаются в богослужебных последованиях наряду. Например, в каждом каноне в конце каждой песни на «И ныне.» Также в конце седальных, тоже на «И ныне.»

Есть особые богородичны, называемые «крестобогородичны.» Они воспевают скорбь и плач Богоматери у креста Ее Сына и полагаются обычно в седмичных последованиях, в среду и пяток тоже на ряду.

Но есть богородичны, которые употребляются особенно часто, и чтобы много раз их не перепечатывать, их помещают в конце богослужебных книг (минеи месячной, типикона и других).

Каждый клирошанин должен знать, когда и как пользоваться этими богородичными, какой именно из этих богородичных брать.

Расскажем об этом, ибо в нашем типиконе мы не обозначаем, где какой именно богородичен брать, надеясь, что сам клирошанин или певец сумеет найти его в конце минеи.

Итак, в конце месячной минеи помещаются богородичны двух родов: одни богородичны, которые поются после стихир, а другие — после тропарей.

Те и другие богородичны еще разделяются на воскресные и вседневные.

Расположены они так:

Богородичны воскресные восьми гласов после стихир. Здесь на каждый глас помещаются воскресный богородичен, поемый после стихир на «Господи воззвах...» или иначе еще зовомый «догматик», и богородичен после стихир на стиховне.

Богородичны воскресные после тропарей, на 8 гласов.

Богородичны после стихир в будничные дни, называемые «внегда есть слава святому.» Эти богородичны расположены тоже по гласам: на каждый день седмицы по два — один на вечерни, другой на утрени.

Богородичны после тропарей на будничные дни. Эти богородичные называются «отпустительны всего лета.» Расположены они по гласам, по два на каждый день седмицы: один на вечерни и на «Бог Господь...» другой — в конце утрени.

Когда берутся эти богородичны четырех родов?

Берутся они всегда, кроме праздников Господских и Богородичных, их предпразднеств и попразднеств. Тогда на «И ныне» после стихир и

тропарей поются особые, наряду в минеи или триоди помещенные, молитвословия праздника.

Какого гласа нужно брать богородичен?

Богородичен берется того гласа, на какой пелась последняя стихира или «Слава,» или последний тропарь.

Исключение составляет субботняя служба, когда после стихир и тропарей поются богородичны отдания гласа, т.е. того гласа, который был в прошлое воскресенье.

Какие же богородичны, когда нужно брать?

В воскресенье, в субботу, в праздники святым, имеющим полиелей, бдение или хотя великое (поемое, а не читаемое) славословие на утрени — берутся после стихир и после тропарей воскресные богородичны.

А на будничной службе — берутся будничные богородичны или еще иначе называемые «от меньших».

Приведем примеры. 7 сентября, в понедельник — какой богородичен брать после стихир и какой после тропаря? — В этот день положено предпразднество Рождества Божией Матери. Октоих отлагается и будничные богородичны заменяются предпразднственными, помещенными на ряду в службах. Также 18 сентября — попразднество Воздвижения Честного Креста: вместо обычных богородичных поются песнопения праздника.

А вот 22 сентября на вечерни на «Господи воззвах...» поем: «Слава» — мученику Фоке 4 гласа. Богородичен нужно брать тоже 4 гласа, будничный «егда есть слава святому» в неделю вечера: «Радуйся, Света облаче!» На той же службе после тропарей (последний тропарь священномученику Фоке 4 гласа) «И нравом причастник,» богородичен будничный «отпустительный» в неделю вечера: «Воспитавшейся во храме.»

6 октября, понедельник — память апостола Фомы — служба полиелейная. После стихир на «Господи воззвах...» помещен еще славник: «Слава,» глас 6 «Яко слуга Слова.» Поэтому и богородичен берем воскресный 6 гласа, догматик: «Кто Тебе не ублажит.» Тропарь апостолу 3 гласа, потому и богородичен — отпустительный воскресный 3 гласа: «Тя ходатайствовавшую.»

Небольшая нужна практика, чтобы научиться избирать соответственные богородичные после стихир и после тропарей: будничные или воскресные, по гласу и по дню седмицы.